

LEKUNBERRIKO JAIK 2025 KANTUZ

Larunbata / Herriko Plaza / 13:00

Aitorren hizkuntz zaharra

Aitorren hizkuntz zaharra nahi degu zabaldu
munduaren aurrean gizonki azaldu,
baldin gure zainetan odolik badegu
euskaldunak euskaraz hitz egin behar degu.

Zein hizkuntza ederra euskera guria
inun ez det aurkitzen beste bat hobia
usai goxondun hizkuntz txukun ta argia,
biraorikan ez duan hizketa garbia.

Euskera galdutzeko ez dago beldurrik
Munduan ez da sortu hortako indarrik
Sasi jakintsu asko dabiltz galdu nahirik
Asmo txarra hoiek guztiak dirade alperrik.

Gora euskara maitea zoragarriena
euskaldunen artean maitagarriena.
Munduan sortu zanik hikuntzik zaharrena
gora ta gora euskaldunak eta gure euskara.

Baratze bat

Hau da egün ederra
Mila txoriek kanta
Tziauri enerregina
Besoak zuri ditizüt para

Baratze bat nahi deizüt egin
Amets segretüenekilan
Liliak egün jauntzi ederrenetan
Mila kolorez dantzan bihotzetan

Gaü beltz ta sakonetik
Elkitzen naük hoztürik
Bihotza hain tristerik
Hitaz üsü berantetsitürik

Baratze bat ...

Karosa bat hor dügü
Kanpoan gure haidürü
Ez gal haboro denbora
Hiskor beitago amodioa

Baratze bat...

Guk Euskaraz

Guk euskaraz

Zuk, zergatik ez? x2

Euskara putzu sakon
Eta ilun bat zen, x2

Eta zuek denok
Ur gazi bat
Atera zenuzten
Handik nekez x2

Guk euskaraz
Zuk, zergatik ez? x2

Orain zuen birtutez
Zuen indarrez x2

Euskara itsaso urdin
Eta zabal
Bat izanen da
Eta guria da. x2

Guk euskaraz... x2

Euskal herriko mendiak

Maite dut gure Euskal Herria
Nola hemen bainaiz sortüa
Mendie hurbil damat bizia
Horien kontra sano airia.

Euskal Herriko mendiak

bide xoragarriak

Horiei begira daude

Heldu diren guziak. X2

Negua murriz izanagatik
Primadera sortzen lore lurretik
Zoin eder iguzkia zerutik
Xoriak kantuz hasten goizetik.

Euskal Herriko mendiak... x2

Jiten denean udaberria
Ardiez betetzen ikusten mendiak
Goizetan laster hasten argia
Arzainak goizik biltzen artaldea.

Euskal Herriko mendiak... x2

Haurrak ikas zazue

Haurrak ikas zazue
euskaraz mintzatzen,
ongi pilotan eta
oneski dantzatzen. x2

Ai-re tun txi-ki-tun, ai-re tun lai-re, (x4)

Gure kantu zaharrak
kontserba ditzagun;
aire pollitagorik ez da
sortu inun. x2

Ai-re tun ...

Ez ahantz berriz ere
sorterri ederra,
haren mendiak eta
itsaso bazterra. x2
Ai-re tun ...

Bihotz leiala ere
atxik aitameri
eta nonbait dagoen
gazte maiteari. x2

Ai-re tun txi-ki-tun, ai-re tun lai-re, (x4)

Euskal herrian euskaraz

Euskal Herrian euskaraz
Nahi dugu hitz eta jolas
Lan eta bizi euskaraz eta
Hortara goaz,
Bada garaia noizbait dezagun
Guda hori gal edo irabaz.

Zabal bideak eta aireak
Gure hizkuntzak har dezan arnas,
Bada garaia noizbait dezagun
Guda hori gal edo irabaz.

Euskal Herrian euskara
Hitz egiterik ez bada
Bota dezagun demokrazia
Zerri askara
Geure arima hiltzen uzteko
Bezain odolgalduak ez gara.

Hizkuntza gabe esaidazue
Nola irtengo naizen plazara,
Geure arima hiltzen uzteko
Bezain odolgalduak ez gara.

Euskal Herri euskalduna
Irabazteko eguna
Pazientzia erre aurretik
Behar duguna,
Ez al dakizu euskara dela

Euskaldun egiten gaituena?
Zer Euskal Herri litzake bere
Hizkuntza ere galtzen duena.
Ez al dakizu euskara dela
Euskaldun egiten gaituena?

Gogoaren baitan

Erabaki nuen, tinko ta fermuki
Ez zitzaidala gertatuko
Maitasun saretan es nintzela berriz
Uste gabeen eroriko

Bi begi izpitxu, irripar ezti bat
Izan dira nere galtzaile
Geroztik hor nabil arantzetan dantzan
Ezinezko amets sortzaile

Urrezko txanpon bat eman gogo nuke
Sorgin bat bilaka banedi
Ezina egikor aldatzeko aina
Gezurra bihurtzeko egi

Zer den ona edo zer ote den txarra
Jakin beharko nukelarik
Sumendi gainean erretzen ari naiz
Ba al dago irtenbiderik?

Zu hor zaude, dantzan, jauzitan

Zer debru bada pasatzen zait gogoaren baitan.

Geroak zer dakar, ez dut pentsatu nahi
Uneak nahi ditut bizi
Lau egun dira ta bi omen lanotsu
Galtzera ez ditut nahi utzi

Hitzaren jokoan, itxura emanez
Gorde nahiko nuke dena
Biluzia nauzu izan zarelako
Egoera hunen sormaena

Zu hor zaude, dantzan, jauzitan
Zer debru bada pasatzen zait
gogoaren baitan

Zu hor zaude, dantzan, jauzitan
Zer debru bada pasatzen zait
gogoaren baitan

Pasatzen zait gogoaren baitan (x2)

Pottoka Mendian

Pottoka mendian jauzika ibilki

Buztana airean salbaia iduri

Ezin harrapatuz Txomin da erori

Pottoka nausi da gure gizonari. (x2)

DI BI DI BI DAN DAN DI BI DI BI DAN DAN

DI BI DI BI DI BI DI BI DAN DAN DAAAAAN

Gure gizonari! LA LA... LA LA...LA LA...

Denboran pottokak ez emaiten sosa

Ez zuen ez egiten Parisen afera

Neuilly-n ibiltzeko ez zuen usain ona

Adixkidendako ez aski ederra. (x2)

DI BI DI BI DAN DAN

Ez aski ederra! LA LA... LA.LA...LA LA

Txominek menditik jautsi du pottoka

Ileak mozturik pentzetan emana

Egun guziez hartzen bai bere sukrea

Iduri du orai Vincennes-en sortua.(x2)

DI BI DI BI DAN DAN

Vincennes-en sortua! LA LA... LA.LA...LA LA

Txoria txori

Hegoak ebaki banizkio

Nerea izango zen,

Ez zuen aldegingo. (x2)

Bainan, honela

Ez zen gehiago txoria izango (x2)

Eta nik, txoria nuen maite (x2)

La la la la la la...

Bainan, honela

Ez zen gehiago txoria izango (x2)

Eta nik, txoria nuen maite. (x2)

La la la la la la...

Gora ta gora beti

**Gora ta gora beti,
haik gora Lapurdi!
Euskerak bizi gaitu
eta bizi bedi. x2**

Gorantza doa agudo kapitala
eta Lapurdi beti dago apala,
aldrebesturik dago mundu zitala,
konformatzen ez bagara
ze pekatu mortala!

**Gora ta gora beti,
haik gora Lapurdi!
Euskerak bizi gaitu
eta bizi bedi. x2**

Gurea ez da bizi-modu normala
lurra lantzeko haitzurra eta pala,
lanaren truke kobratzen erreala.
Benetan da miserable
euskaldunon jornala.

Gora ta gora beti... x2

Munduan ezin bizi daiteke hala,
merkatuetan dena gora doala,
etxera eta zopa guztiz argala,
kriseiluen oiloa
ez da postre formala.

Gora ta gora beti... x2

Obrero eta nekazari leiala,
zuena ez da errenta liberala.
Diru zikinak putre motzak bezala
botatzen dizu gainera
hortxe bere itzala.

Gora ta gora beti... x2

Jabeek dute kontzientzi zabala,
kaskatu dute gure lurren azala,
baina Lapurdi ez da hain zerbitzala;
burruka garbian dago
hori da printzipala.

Gora ta gora beti... x2

Habanera

Berriro itzuliko balitz
Iragan denbora arrotza
Berdin kontsumi nezake
Banilla gozo artean,
Itsaso urrun batetan
Irudimena galdurik
Udaberriko euritan
Larrosak pizten ikusiz.

Osaba komertzianterik
Ez nuen izan Habanan,
Pianorik ez zegoen
Bizi nintzen etxe hartan,
Neskatxen puntilla fiñak
Udako arratsaldetan,
Errosario santua
Neguko gela hotzean.

Ezpainek gordetzen dute
ezpain bustien gustoa
desiozko hotzikaran
etsipenaren tamalez,
gaua zelatan dakusat
kontzientzia bilutsik
badoaz orduz geldiak
gogorapenen hegalez.

Jaio giñen, bizi gera
ez dugu ezer eskatzen
itsasontzia astiro
kaiatik ari da urruntzen.
Antillak zintzilik daude
argazkien paretetan
karta bat idatziko dut
norbaitek erantzun dezan.

Tabako, ron ta kanelaz
Girotutako arratsetan
Algarak entzuten ziren
Habanako putetxetan,
Abanikodun mulatak
Gauari haize egiten
Musiken aide nagiek
Odola erretzen zuten.

Jaio giñen, bizi gera
Ez dugu ezer eskatzen
Itsasontzia astiro
Kaiatik ari da urruntzen.
Antillak zintzilik daude
Argazkien paretetan
Karta bat idatziko dut
Norbaitek erantzun dezan. (x2)

Ixilik ixilik dago

Ixil ixilik dago, kaia barrenian

Ontzi txuri polit bat uraren gainean

Ixil ixilik dago, kaia barrenian

Ontzi txuri polit bat uraren gainean

Goizeko ordu bietan, esnatutzen gera

Arrantzaliak beti, joateko urrutira

Goizeko ordu bietan, esnatutzen gera

Arrantzaliak beti, joateko urrutira

Zergatik, zergatik, zergatik, zergatik?

Zergatik negar egin?

Zeruan izarra dago, itsaso aldetik

Zergatik, zergatik, zergatik, zergatik?

Zergatik negar egin?

Zeruan izarra dago, itsaso aldetik

Bat, bat bat, bart parrandan ibili

Bart parrandan ibili

Bi, bi, bi, ez naiz ondo ibili

Ez naiz ondo ibili

Hiru, hiru, hiru, kolkoa bete diru

Kolkoa bete diru

Lau, lau, lau, sardina bakalau

Anteron txamarrotia

Frankoren bibotia

Haretzek ei dauka

Preso euskal herria

Anteron txamarrotia

Frankoren bibotia

Haretzek ei dauka

Preso Euskal herriak

Anteron txamarrotia

Frankoren bibotia

Haretzek ei dauka

Preso Euskal herria

Hau dek, hau dek

Hau dek umoria

Kontsolatzeko, kontsolatzeko

Euskaldun jendia

Kalian gora, kalia behera

Kalian gora zezena, ai, ai, ai

Kalian gora, kalia behera

Kalian gora zezena

Kalian gora, kalia behera....

Kalian gora, kalia behera

Kalian gora, kalia behera

Kalian gora zezena (x2)

Topa dagigun

Errioxak Baigorriko
Bakio nahiz Getariko
topa dagigun eta bakean
bizi gaitezen betiko.

Umeak arretaz horni
gazteei hitza eskaini
gaztetxoago eta haurrago
izan gaitezen geroni.

Errioxak Baigorriko....

Ez uka amonei hitzik
entzun agureei pozik
zaharra ez da izandakoa
luzaroan dena baizik.

Errioxak Baigorriko....

Hierarkia da lehorra
harremana emankorra
errespetuan dago gordeta
emakumeen altxorra.

Errioxak Baigorriko....

Zazpiak oihal batetik

Mundu guztiak
aditutzen du
euskaldunaren negarra
alde batera nahiago nuke
ez banintz hemengotarra

Enpeinatzea ez bada libre,
alferrik dugu indarra.
Hau da txoriak gari tartean
Goseak egon beharra.

Antzerki hontan lau
pertsonaia
ta jokolari bakarra
arbolak berak
erakusten du
ostoa eta adarra.
Enpeinatzea...

Zazpi ahizparen gai den oihala
ebakirikan erditik
alde batera hiru soineko
utzirikan lau bestetik.

Guraiziakin bereizi arren
bakoitza bere aldetik
ezagutzen da jantzi direla
zazpiak oihal batetik. (bi aldiz)

Xalbadorren heriotzean

Adiskide bat bazen
Orotan bihotz-bera
Poesiaren hegoek
Sentimentuzko bertsoek
Antzaldatzen zutena

Plazetako kantari
Bakardadez josia
Hitzen lihoa iruten
Bere barnean irauten
Oinazez ikasia, ikasia

Nun hago, zer larretan
Urepeleko artzaina
Mendi hegaletan gora
Oroitzapen den gerora
lhesetan joan hintzana x2

Hesia urraturik
Libratu huen kanta
Lotura guztietatik
Gorputzaren mugetatik
Aske senditu nahirik

Azken hatsa huela
Bertsorik sakonena
Inoiz esan ezin diren
Estalitako egien
Oihurik bortitzena, bortitzena

Nun hago... x2

Larraungo Zortzikoa

Madotz eta Oderitz hurbilena Astitz
Sanmigeltxo pasata hortxe dugu Arruitz,
Aldatz eta Etxarri, mendiz mendi Uitz,
Gorriti ta Azpirotz, Lezetara jeitsiz.

Mailopean Errazkin, Albiasu han goran
Baraibar ta Iribas, bertan gara jada,
Alliko errekan barna, igoz Mugirora,
Lekunberri batuta, hamazazpi gara. (x2).



Kantuak batzen gaitu!

Lekunberriko Jaiak 2025